

团山一修谱序

昔屈原博闻强识知其系出高阳谱存故也蹇义不知出蹇叔
几何代谱亡故也吾家世绪因古有理官遂以为氏其后可利贞居
李下改为李氏代有名贤至元兴达公自湖南尖山徙居湘阴邓婆
桥继徙归义九传至承中公字云珑始徙团山我团山之有李氏自
云珑公始闻之苏氏曰详其宗之自出必自吾身始上至高会下至
会元至纒麻尽矣然服有尽而情无尽不于谱牒之是务何以用期
情哉欧阳公又云承平既久世之家往往治其谱牒不知者以为一
家之事其知者以为昇平之征吾辈生逢圣天子礼乐大备之世深
仁厚泽涵濡已久焉敢不敬其身以尊其祖哉渭旁午黉序历有年

所今沐祖先樾荫得爰例援职銜与湘邑先达进士周文渊先生孝廉张雪川先生于棚厂学舍忠义节孝祠尚竭力襄事况谱牒为合族重事能不详其纪戴以貽前人羞惟愿吾族同心协力毋怀私故而僨公举毋挟偏见而废家乘庶几尊卑分严规劝法峻不为非作歹不杂昏异类世守忠厚迪前人光耳是为序

裔孙盛渭字逢文谨识

团山二修谱序

闻之孝竹慈鸟尚存血性醴泉芝草亦有根源固知物本乎天斯成发育人本乎祖乃有渊源此眉山允明欧阳永叔创为谱牒所自昉也谱之所联非浅鲜也谱之当修不纂征歟衍同宗团山柱自有唐德裕公初官学士历浙西观察献丹宸箴拜相原居江西吉安之庐陵于会昌二年壬戌解组游湖南星沙见山水俊秀遂择里名尖山而居焉越今千有餘载世系发祥炳炳烺烺垂诸旧乘者班班可考珩里居相距约数里许迷来以宗谊而联梓谊更以梓谊而兼契谊相亲久称莫逆杂黍之约无间往来见其长者守醇抱朴有怀葛风其少者崇信慕义无佻达气其秀者称诗述礼食旧德而成善良其愿者鑿井耕田服先畴而安本业故其族属日臻远大其子孙日就蕃昌盖有所积而然非偶然也今岁珩由永学卸篆归里闻闾

族诸君倡修谱牒为心羨者久之是美而彰者有为于前盛而传者克为于后焉秋杪珩瞻拜来祠适厠工将就藏事展阅之余悉及生居卒葬纪事绘图上自始太高曾下逮云初奕禩序昭穆定尊卑辨等威防僭越靡不本本源源折衷至当然王峻是兴门之裔魏葛为绳武之孙将来绍箕裘昭门阀者正未有艾夫水之积也厚则其流也长木之培也深则其发也茂昔者王珪新寢庙祖宗咸赖其功文正置业田子孙胥食其利夫嘉人之善者乐与之于其始成人之美者贵策之于其终宗盟之笃今兹既有然矣尤愿继此者念本原固恩义一族之中无反无侧百代而下相系相维则斯谱亦垂不朽矣

清光绪十六年庚寅

钦加五品衔署理永明县学训导兼教谕事

宗愚弟运珩顿首拜撰

团山三修谱序

惟初太始道立于一一生一二一生三三生万物记有之曰万物本乎天人本乎祖祖固人之本也然有其祖而不知之时谓忘本非其祖而反尊之时谓乱本乱本之夫较忘本而更甚何则籍父数典仅失之昧老子立庙则失之诬甚矣人各有本不假容借也李之得姓始自理官其后有利贞居李下改理为李子孙蕃衍代有名贤阅数朝而至唐唐祖开赐姓之端李姓繁盛几徧天下已非一本矣开元五年诏考正四海望族永徽六年考二十六姓与诸姓不同以十姓为国之柱武阳李与焉由唐而宋而明而清世运变迁祖宗本原当必征诸文献唐以上历代有图谱局置郎官掌之凡百官族姓之有家状者则上之官官籍不及则纠之以私书私书有滥则纠之以官籍盖欲人反其本而不乱知其本而不忘也是故人尚谱系之

学家藏谱系之书唐以后迄于五季其书散佚而其学不传文献不足征矣董谱事者与其誇诩先世不祖其祖而繁称远引冒昧攀缘岂若近征诸实者之为可信哉我祖本江西宦籍也元末有兴达公者始迁湖南湘阴之邓婆桥继迁归义生子三旺程旺岳旺玟玟无传岳公七传至承中公字云珑由汨罗下黄土塘迁居团山团山之有李氏自云珑公始此阅元明两朝之世系有历历可考者清道光丁未盛派逢文卓齐即年派裕田景山诸公纂修宗谱以白兆祖德冠于云珑之上非征文考献未得其实耶光绪庚寅续修仍其旧而未遑更正至于今又三十年矣父老言谱之法贵知本尤贵征实力图三续命穆辑修于是搜罗遗佚考正源流得栗村老谱因与正富族老蔚亭浚泉普全丽吾陞阶诸兄暨秉均族姪反复推求知私书有滥仍纠之以私书失于此得于彼去其非存其是非敢矜辨讹刊繆之能殆庶乎得一本之真脉不忘其祖而并不诬其祖也夫自元

末至今五百有餘岁白兆祖德虽非真谛而相传已久其子若孙犹
葛与女萝施于松柏我祖与达公之后有云仍者分居栗村有云卿
者分居金鸡冲皆旺程公苗裔亦我云珑公族属兄弟譬如中国地
脉分为三千龙北干之太行恒山中干之嶓冢荆山南干之岷山衡
山经途绵邈罔峦纠纷面满寰区更僕难数其祖必本昆仑第分支
久远难以再合穆虽有志而未逮焉我云珑公四传至代旺公生子
六六房递衍丁口之数已由一而十而百而千矣子孙绳绳卜世卜
年何难满夫盈数后之视今犹今之视昔其又将以云珑公为团山
始祖而孝弟之心油然而生也礼曰人道莫大于亲亲亲亲故尊祖尊
祖故敬宗敬宗故收族谱所以为收族之根据也苟乱其本而失其
真非特诬我祖也其貽误于后人者实甚是举也始终仲春成于季
秋其速如此岂唯合族同心协力之所致亦我祖先之灵欲乱之久

而失其真也至若凡例之严图说之重人文传志之美族类迁徙之方必详加考证辑成一书于谱学或裨万一也为之后者亦有所本而益兴起云。

民国八年己未岁季秋月穀旦

裔孙文穆谨序

团山四修谱 序

敬宗收族啟后承先此谱之所当续修也昔眉山苏氏曰以一人之身分而至于陌路人若非谱以维洁之则亲亲之义殆不讲矣洵以谱之所关不綦重歟惟是谱牒之修本源难悉因为世远年湮辨讹匪易尤以我姓氏自唐啟賜姓之端则其本较难明晰而其间几经迭运幸赖谱系学家遗书未泯是以征文考献存是阙疑而木本水源始有端绪矣溯我祖德裕公由江西迁湖南星沙尖山其后分徙他处者不一二十四世传至承中公肇基团山历今六百餘载而我族谱于兹四续然一二两次已经前人所修蓋因创始维艰其分支別衍不无疑似迨民国八年己未三续先正诸公有鑒於兹稽攷周详咨访备至由是我族之世系昭穆粲然明矣蓋先祖之灵有

所昭格也。駒光荏苒，至今已二十餘年。其間各房因革損益，又不知變遷几許矣。迨來蠻夷猾夏，世變日滋，益以兵燹頻年，之子有轉徙流離之念，闔族長老有慨於心，僉謂家乘亟宜續修，以故力圖四續。命育等贊襄其事。若夫輯世系，辨昭穆，仍斷自興達公，始本一脉之真傳，聯同宗之苗裔，從此彝倫攸叙，允宜孝友，无乖宗祊，篤庆自致。祥和我族，其方興未艾也乎？是舉也，始於仲春，成於季夏，非闔族之龜免同心協力，曷克臻此？自今以往，我族譜牒庶乎寡尤，寡悔，俾可矜式於累世也。詩云：君子万年，永錫祚胤。其是之謂乎？

民國三十二年癸未歲仲夏月谷旦

四房裔孫才育敬撰

团山五修谱 序

秦月汉关，古往今来，宇宙之江山不改，世事之变化无穷。人类社会的民展时刻孕育着一个【变】字。探究人类社会的变迁，无不借重于历史，没有历史，中华民族焉知有【炎黄】？族谱者是国史、市（县）誌之补充，千载相传，源远流长，真实朴素；平凡人物，平凡事迹，贴近平民，族规家训，公约传记无不惩恶扬善，激励后人；屋宇田地，坟茔山脉，水坝渠塘，图形清晰，点线分明，拟如汉界楚河井然有序。可见为谱牒者旨在切合时宜，有利社会，并非封建，亦非迷信，决非无聊。

今团山李氏族谱五续修之背景及诸项事宜，有功人等，子亮先生（五修总序）之述备矣，兹不赘言。所憾者，此次续修未能赶上金鸡栗村，同步进行。致使团山分支另起锅

灶，势孤力单，族人须知【团结就是力量】。其次是，六十年来，经沧海桑田之巨变，族间典型人，事收录不够，艺文誌难以完善。尝闻【雁过留声，人过留踪】。予以为，人生一世，虽难以名垂青史，若能于族间谱牒中争得一字之褒，亦平生足矣。吾祖怀吾公嗣下，分布六房，悠悠三百余载，浩浩两仟余众，贤达、志士、名人自然不少，理应转载。无奈经费短缺，人手不够，时间仓猝，难以尽人意。有待众族友同心同德，募款捐资，搜集素材，推荐贤能，积极撰稿，以资后续。所幸者，政通人和，百废俱兴，我族后裔，兴旺发达，人才辈出，来者可追；所望者，族众一心，真诚团结，毋忘祖训，爱国爱家，同奔小康。

值此族谱五修告之际，兴族欣然，寄语数行，不足为序。

四房裔孙天赦敬撰

于公元二零零三年癸未孟冬